

南陵縣志卷三十九

列女志

孝婦

清陶克綏妻許氏事姑朱至孝自于歸後與姑相依如女事事先意承志姑每以孝婦呼之康熙戊午姑病許侍湯藥衣不解者年餘密齧腕肉和藥進病旋起又越二十餘年卒許哀悼毀瘠晨夕上膳於靈前凡三年如一日按以下未旌

王日勃妻李氏年十五歸王力修婦道事姑胡尤謹居恒奉養必誠必懋而侍疾於委頓牀簀之時湯藥

南陵縣志卷三十九 列女

十一

必嘗而後進寢餐俱廢凡五閱月迨醫謂不可爲而李涕泣彷徨伏地籲天糜股療之復愈人咸謂爲誠孝所感迄今李歿而稱之者無異辭

監生秦先矩妻王氏生有至性婦道克修姑陶病篤嘗冀心憂涕泣籲天割左股療之而愈閱數載夫病又割右股療之亦愈其後姑年七十二病瀉臥榻氏滌污穢不假他手姑以孝婦呼之今其子夢熊食廩庠序人以爲伊母之報云

以上舊志

清葉□□妻章氏割股療翁姑病道光年旌見省志下同

何□□妻汪氏割股療翁姑病道光年旌

程善長妻李氏年二十歸程越三年夫病刲股救不起思偕亡爲翁姑在未果一日家遭回祿氏冒火救翁姑出撫伯子爲嗣愛逾所生卒年七十一雍正二年旌採訪冊下同

徐有俊妻羅氏旌表節孝建坊入祠

徐有五妻郭氏旌表節孝建坊入祠

劉獻之妻何氏咸豐十年粵匪擾境姑章病氏守櫪不去被殺同治年旌

程士高妻徐氏見省志下同未旌

南陵縣志卷三十九 列女

二十二

徐有梗妻楊氏

庠生丁夢湘妻王氏見宗志

凌雲路妻蔣氏事姑至孝年二十七姑病氏焚香祝天剗心和藥以進姑病愈氏創甚偃息於牀督糧分府董聞其事贈以眞孝格天扁額採訪冊下同

朱嘉秦妻徐氏康熙年刲臂救姑

俞元妾徐氏康熙年兩次羹股療姑儒學張翥贊以

賢哉孺人

俞日潛妻張氏乾隆年割股療翁姑

俞永權妻秦氏乾隆年割股療翁姑

俞佐仍妻馬氏乾隆年割股療翁姑

俞道傳妻王氏乾隆年割股療翁姑

俞日琚妻朱氏乾隆年割股療翁姑

俞永岱妻朱氏乾隆年割股療翁姑

周居正妻劉氏乾隆年割股療翁姑

朱之珽妻許氏乾隆年割股療翁姑

徐碧妻谷氏姑病藥餌不效氏進股肉尋愈儒學王

松爲立傳

徐國鶴妻牧氏入節孝祠候旨建坊

徐家恩妻吳氏入節孝祠候旨建坊

南陵縣志 卷三十九 列女

俞以華妻張氏割股救姑

俞賦妻王氏割股救姑

陳世本妻章氏翁邁事之惟謹一日翁病氏藥股和

藥以進得全愈至今道之者莫不以爲孝云

劉運倫妻戴氏家貧姑老膳養無出哺乳崔家以供

薪米一日姑病百計不效進以股肉乃瘳

劉其昌妻張氏姑嬰夙疾服事罔懈及歿哭之哀聞

者莫不酸心見鄰婦被亂斃於途僱人掩殮並識其

處囑其子曰鄰母苦節堪憐當以猶母視歲其祭之

毋忘

吳守大妻劉氏姑孫氏病篤羹股進之延壽四載

林維良妻方氏性至孝事瞽姑敬而有禮咸豐兵亂

賊向姑索取不遂怒欲殺姑氏跪賊前哀籲乞代賊

感其孝兩釋之

汪象琚妻秦氏姑病危湯藥必先嘗以進及篤割股

以救病霍然起

茅天階妻楊氏翁病危覓治無方氏剜臂和藥奉姑

轉進尋愈夫被蛇囓口吮其毒得無恙三子六孫一

門鼎盛

朱立人妻許氏素孝順善博舅姑歡舅姑間不悅輒

南陵縣志 卷三十九 列女

怡色柔聲以轉其意舅姑深賢之

何旺保妻田氏家貧藜藿自甘事瞽姑必以甘旨不

以貧竄辭

汪國景妻徐氏祝天割股以療翁疾

徐貴軒妻周氏祝天割股以療翁疾

徐嫺興妻胡氏年二十九夫亡孀姑瞽老起居出入

氏必與俱歷十餘年未嘗偶離里人咸稱其孝

王偕臣妻陶氏割股療姑族祖夢桂作詞贊之

盛正芬妻曹氏姑病割股和藥以進疾旋已逾八年

姑乃卒

俞庚開妻譚氏割股救夫

俞以對妻郭氏割股以療翁疾

以上新增

賢淑 新增

清禮部儒士謝邦弼妻蔣氏邦弼年二十七無子術者言其壽止三十蔣聞之自以舉子艱亟勸置媵不答爲聘周氏女強納焉邦弼至二十九果病蔣割股以救病稍痊至次年二月卒而周已有妊七月矣已而生子永錫初同室幸邦弼無子得兼併其產至是忿甚仍各以子爭爲其後蔣恐不利於孤分產之半均

南陵縣志 卷三十九 列女

五

給之猶肆侵逼無已蔣訟之官族乃爭息永錫至七歲猶不許跬步出門外稍長擇師必方正士以生死託焉晝夜織食糲衣粗待師賓則必豐潔年六十二終永錫感奮自勵有聲於時性孝嘗吮母疽母病日久廢視永錫同妻汪晨夕餽之目乃復明以母節未得請旌自署所著詩文曰未成人集孫陞康熙己卯舉人任無爲州學正

贈中憲大夫方正範妻李氏以賢淑著稱夫病刲腕肉投藥餌救不起遺孤長倬六歲次仲甫週李貞勵自守冰雪皎徹口蔬糲躬織紉訓撫諸孤以成立卒

年七十四祀貞烈祠以子仲成進士歷官知府地贈太恭人例既膺封不得復旌仲移書學使趙公崙情詞悽楚聲淚俱咽人不忍讀一時朝端諸鉅公爲職方節母祀貞烈祠詩以慰之

按二氏徐志載入節婦今移人

以上舊志

監生葉元孚妻何氏道光二十九年歲大侵購粟無從氏出穀周濟貧窮穀盡又轉運以繼之活人無算咸豐己未賊擾境以殉難終祀節烈祠

束國理妻胡氏二十九歲孀咸豐九年攜子姪同夫弟夫婦避亂母家途遇賊子與夫弟夫婦均被擄僅存一姪視同己出光緒三年接姪母胡氏信籌資付姪迎母歸養相處數年未聞妯娌有異言

徐思盛妻吳氏適盛舉子艱爲夫置妾夫歿家落晝紉夜織食糲衣粗奉姑甘旨無缺邑令扁其廬曰節孝雙美

秦明輝妻王氏咸豐九年賊入境姪剛士被執氏哀乞不允遣己子代賊感其義共釋之

知縣徐文選妻秦氏天井壩武庠生大章女平生崇尚樸素敝衣糲食助夫剛柔相濟教子身如嚴師語人子婦必勸之孝語人妯娌必勸之和持家勤儉而

性喜謙讓好施與每遇婚嫁不舉喪葬不備及貧病急難者輒拔釵珥濟之無德色也人以是賢之光緒二十七年卒年五十八

章秋華妻許氏相夫立業課子惟善成名光緒三十二年助育嬰堂田六十畝邑令蕭以惠及羣嬰給獎盛光烈妻鄧氏嫻婦道循禮法自奉約宴客豐有能文直諒友至必潔治肴藪命子留之以資觀感大有陶母風季子廷植食廩庠序人謂母氏力信然壽九十一終

姚國光妻汪氏性慈善好施與解囊周鄉鄰急難無

南陵縣志 卷三十九 列女

七

吝色村中賴以舉火者數家子姪輩無力讀書給田資其膏火祠產無多以田二十餘畝充作祭業修東溪通濟橋西溪後港橋均輸鉅款此外善舉不能盡述

梅獻文妻黃氏家稍康出千餘金置義田十餘畝歸祠經理酌給族之無力婚殯者華石橋圯行人不便獨力重修

胡治堂妻王氏光緒三十四年捐入保圩公所田三十畝有奇桐村埂春工夏工冬工經常費

鄧欽之妻孟氏孝敬事姑勤儉佐夫和鄰睦族延師

課子年八十餘操持家政猶不釋手子子初遊庠序有聲猶時以積德惜福是訓

以上新增

外籍 附

清善化楊有才妻冷氏持家嚴肅光緒十三年匪入室劫掠氏捨命逐退一家得以脫禍邑令以巾幗丈夫給獎

以上新增

南陵縣志 卷三十九 列女

八

南陵縣志卷三十九終